

‘O le fa’ainuina o le Tamiflu: mo tagata e lē mafai ona inuina fuālā’au

‘Ua tu’uina atu se inumaga o le Tamiflu ona o ‘oe po’o se tasi ‘o lo’o e tausia e maua i le ma’i o le fulū. E fa’aititiia e le Tamiflu āuga o le fulū ma fa’apu’upu’u ai lou maua i lea ma’i. E fautua atu le Matāgālua o le Soifua Mālōlōina mo ‘oe po’o le tagata ‘o lo’o e tausia ‘ina ‘ia inu fuālā’au na ‘avatu ‘iā te ‘oe. ‘O le fuālā’au ‘o lo’o i ai vailā’au tonu, ‘o se pauta pa’epae e o’ona-lona inumaga.

‘Āfai ‘e te lē mafaia po’o le tagata fo’i ‘o lo’o ‘e tausia ona foloia le fuālā’au, e mana’omia lou paluina o le pauta ‘o lo’o i totonu o le fuālā’au i se suavai suamalie ‘ina ‘ia mafai ai ona inu le vailā’au. ‘O lenei tusitusiga ‘o lo’o fa’amatalaina atu ai le mea e ao ona fai.

1. ‘O le mea ‘e te mana’omia:

- mea ‘o lo’o i totonu o se fuālā’au e tasi o le Tamiflu
- se sipuniti lāpo’a, o se mea’ai suamalie (‘o le suamalie tele ‘o le lelei sili lenā), mo se fa’ata’ita’iga:
 - se siamu e lāmolemole lona tino (siamu mo tagata ma’i suka e lelei)
 - se vai toto’o suamalie (e lelei itū’āiga e aogā mo le ma’i suka)
 - se vai toto’o suka ua mālosi (faia mai i le suka ma sina vai la’iitiiti)
 - vai toto’o enaena e lanu auro
 - se susu toto’o ‘ua fa’asuamalie
 - se hani e toto’o ma suamalie lona tofo – **‘AE UTAGIA MAI FA’AMOLEMOLE ‘ia ‘aia ne’i fafaga tamaiti i lalo ifo o le tasi le tausaga i le hani ‘ona ‘o a’afiaga i mea’ai ‘o’ona (botulism) i tamaiti.**
- ‘aia le fa’aaogāina se vai toto’o sukalati – e lagona lava le ‘o’ona o le pauta.

2. Sauniuniga o le paluga

- Fufulu ma fa’amago ou lima.
- Tu’u se sipuniti lāpo’a o se mea’ai suamalie i totonu o se sipuni e taumafa ai measuamalie.
- Tata’e ma le fa’aeteete le fuālā’au o le Tamiflu, ma sasa’a le pauta i totonu o le mea’ai.
- Sa’eu fa’alelei mo se minute se’ia mae’a lelei ona matala ‘uma le pauta.

3. Fa’ainu le vailā’au

‘Ia fa’ainuina le vailā’au pe ‘ā mae’a ona palu. Pe ‘āfai e mafai, fa’ainu le vailā’au i le taimi o se taumafataga, po’o so’o se mea’ai.

Mo tamaiti e **15 kg pē i lalo ifo** le mamafa, fa’ainu le **tasi vae tolu** o le paluga, ma tia’i ‘ese le mea o totoe.

Mo tamaiti e **15 kg** aga’i atu i le **40 kg** le mamafa, fa’ainu le **lua vaetolu** o le paluga, ma tia’i le mea o totoe.

Mo so’o se tasi e **sili atu i le 40kg** lona mamafa, fa’ainu **‘uma** le paluga.

Fa’ainu se mainu ‘ua mālosi lona fa’amanogiina pe ‘ā mae’a ona inu le vailā’au e fa’ate’a ai le manogi mālosi o le vailā’au.

‘Ia fa’ainuina le inumaga ‘ātoa o le vailā’au

‘Ia sāunia ma fa’ainuina le inumaga fa’alua i aso ta’itasi mo aso e lima. E tāua le inu o le inumaga ‘ātoa tusa lava pē ‘ua tau mālosi lau fa’alogo po’o le tagata fo’i ‘o lo’o e tausia.

O nei fa’amatalaga na toe fa’afouina i le aso 27 Aukuso 2009.